



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De Tarbula Simeonis sorore, & eius ac aliarum duarum martyrio. Cap. XI.

urn:nbn:de:hbz:466:1-12718

exiit edictum Saporis crudelissimum in vniuersam Persidem, quod iubebat ut omnes, qui se confiterentur Christi annos morti addicerentur. Quo quidem tempore multitudo Christianorum, quæ ne numerari quidem potest, securi percussa est. Siquidem Magi ex vrbibus & vicis, in quibus latitabant, summa cum diligentia eruerunt. Nonnulli autem sui inducta voluntate, nemine eos ducente, se ipsi ideo indicarunt, ne silentio Christum denegare viderentur.

Ac dum omnes, qui erant Christiani, morte multarentur, plurimi etiam, qui in ipso palatio ætatem egissent, mactati sunt: in quorum numero erat Azades eunuchus regi longè charissimus. Quem cum Sapores imperfectum accepisset, incredibilem animo dolorem hausit, hæcque communè cædem sedauit, atque solos religionis nostræ doctores trucidari iussit.

*De Tarbula Simeonis sorore, & eius ac
aliarum duarum martyrio.*

CAP. XI.

Per idem tempus regina in morbum delapsa, Tarbula, soror Symeonis episcopi, sancta virgo, simul cum ancilla idem vita genus colente, & sorore eius, quæ post vii mortem abstinuit à nuptijs, & eandem viuendi rationem tenuit, comprehenditur. Causa autem, cur hæ mulieres fuerint comprehensæ, fuit falsa criminatio à Iudæis in eas concocta, quod videlicet ob mortem Simeonis iratae, venena reninæ insidiose parassent. Regina verò (solent enim ægrotantes malis omnibus facile aures accommodare) calumniam veram esse, & maximè quidem, quod erat à Iudæis obiecta, existimauit. Nam eiusdem erat cum Iudæis opinionis, ad eorum morem vitam instituebat, & veraces illos, sibiq; maxime beneulos putabat. Magi igitur Tarbulam & reliquas duas arreptas, morte condemnant. Ac cum serra dissecas patibulis suffixissent, effecerunt, vti regina spatium inter patibula intermissum transiret, perinde quasi morbus eo pacto depelleretur. Fertur hæc Tarbulam forma valde liberali & honesta fuisse, Magum quendam eam deperisse, mercedemq; vti cum illa rem haberet, clam misisse: promisisse

E iii deniq;

S O Z O M E N I H I S T O R.

denique, si vellet ipsius parere libidini, tum eam, tum socias saluas fore. At illam hanc turpitudinem ne audire quidem voluisse, sed nuntios verbis contumeliosis excepisse, intemperatiæ crimen cum probro illis obiectasse: se multo libentius velle mori, quā virginitatem prodere respondisse. Porro cum editio Saporis ratum esset, ut supra demonstratum est, vt soli sacerdotes & doctores fidei Christianæ comprehenderentur, Magi & eorum principes totam Persidem obeuentes, episcopos et sacerdotes graibus afficiunt incommodis, cum in aliis locis, tum maximè omnium in Adiabenorum regione, quæ est pars Persidis tota fidei Christianæ dicata.

De sancti Acepsimæ martyrio, & alijs qui cum eo mortem oppetebant.

C A P. XII.

SVb idem tēpus Magi Acepsimā quoq; episcopū, & cōplures ex eius Clericis vnā quidē comprehendunt: sed cū antistitē, velut prædam per insidias cepissent, eo cōtentiti, ceteros, direptis illorū bonis, dimiserunt. At verò Iacobus quidam presbyter Acepsimā sua sponte sequitur, & potestate à Magis postulata, in cundē carcerē cū eo cōcludit: eiq; vt pote ætate valde prouecto lubēs, inseruit, subleuat, quantū potest, eius calamitates, & plagarum vibices fanat. Nam paulò post quām erat comprehensus, magi loris crudis, quō solem adorare cogerent, eum acerbè verberant: Sed ubi non cesserit, rursus cōijciebāt in vincula. Per idem tempus Aeithalas etiam & Iacobus presbyteri, Azadanes & Abdiesus diaconi ob Christianam religionem in carcere iacuerunt, crudelissime à Magis cæsi. Multo autem iam dilapo tempore, princeps Magorum cum rege de illis communicat: atq; naētus potestate eos pro arbitrio suo torquēdi, nisi sole adorarēt, mandatum Saporis illis, qui in carcere tenebantur, significauit. Atque simul ut respondissent se nunquam prodituros Christum, neque solem adoraturos, adeo crudelibus tormentis illos cruciauit, ut Acepsimas in fidei confessione fortiter perstans, morte obierit. Cuius reliquias quidā ex Armenia, qui obsides erāt apud Persas, tumulo cōdidere. Alii autē, licet nō minus acerbè,

quām